

Furriadura in sardu de su contu 'LA DONNA DALLE GAMBE LUMINOSE', chi ndi bessit de sa pàgina trintacincu (p. 35) de su liburu de MARCO PLACENTINO, "*Soleminis. Leggende e misteri. Contus de forredda*", Dolianova, Edizioni Grafica del Parteolla 2017.

“SA FÈMINA A CAMBAS LUXENTIS”

Duas amigas fiant furriendi a domu insoru apustis de una giorronnada de traballu. Iant ditzèdiu de struncai su caminu passendi in su sartu.

Ddui fiat unu scuriori de timi. Difatis, in su mentris chi arrexonànt, biendi de atesu una cosa iant sprapalociau beni is ogus. A primìtziu pariant is luxis de unu carretoni, apustis comenti chi fessint lantionis in is manus de calincunu.

Sei-sei chi cussa luxi si-ndi acostàt, si-ndi podiant biri mellus is fatesas. Is piciocas, intra de issas, no fiant stètias bonas a ndi bogai unu fueddu po su spantu. A custas luxis no ddas iant pòtzias assimbillai: pariant de una fèmina bècia, a sciallu ghetau in is coddus, a cambas luxentis e longas-longas, comenti a is cambas de unu mangoni. Si moviat a passus grais, mannus e santziendi-sì, e sa luxi fiat scuriosa e de fai spramai.

Is piciocas, bàsciu chi no fiant lòmpias a bidda, no si fiant scambiadadas apari nimancu unu fueddu. A parti de agoa, iant tentu sa faci de ddu contai custu contu, perou nisciunus ddas iat crètias.//